

Пятидесятница

Ирмосы, глас 4-й

Песнь 1. Божественным покровен,/ медленоязычный
мраком,/ извитийствова Богописанный закон:/ тину бо
оттряс очесé умнаго,/ видит Сущаго,/ и научается Духа
разуму, // хваля Божественными песньми.

Песнь 3. Разверзе утробы нечадствовавшия úзы,/
досаду же неудоботерпиму благочадствующия,/ едина
молитва пророчицы древле Анны,/ носящия дух сокрушен, //
к Сильному, и Богу разумов.

Песнь 4. Царю царей,/ Яковый от Яковаго/ един Слове
произшедый, от Отца безвиновнаго,/ равнощнаго Твоего
Духа/ апостолом истинно послал еси,/ яко Благодетеля
поющим: // слава державе Твоей Господи.

Песнь 5. Решительное очищение грехов,/
огнедохновенную примите Духа росу,/ о чада
светообразная церковная./ Ныне от Сиона бо изыде закон, //
языкоогнеобразная Духа благодать.

Песнь 6. Очищение нам Христé/ и спасение Владыко,/
возсиял еси от Девы,/ да яко пророка от зверя морскаго
персей Иону, // от тли исхитиши всего Адама всеродна
падшаго.

Песнь 7. Согласная возшумé оргáнская песнь,/ почитáти златосотворéнный безду́шный истукáн:/ Утéшителева же светонóсная благодáть/ почеству́ет, еже вопíти:// Трóице Едíная, равносíльная, безначáльная, благословéна еси́.

Песнь 8. Разрешáет úзы,/ и орошáет пла́мень,/ трисвётлый Богоначáлия Образ:/ пою́т óтроцы,/ благословíт же Едíнаго Спáса и Вседéтеля,/ яко Благодéтеля, // сотворéнная вся́ческая тварь.

Песнь 9. Радуйся Царице,/ Матеродéвственная сла́во:/ вся́ка бо удобообращáтельная благоглаго́ливая уста́/ витíйствовати не мóгут,/ Тебé пéти достóйно:/ изумевáет же ум всяк,/ Твое Рождество́ разумéти. // Темже Тя согласно сла́вим.